

existunt, ad pia opera componere, vel quatenus ipsi sic obligati indigeant eis in toto, vel in parte remittere, & condonare possint, idque in foro conscientie. Admonentur tamen nostri [ait Auctor Compendij Indici in eisdem literis,] ne hac facultate utantur, nisi ubi expedire existimauerint, super quo, eorum conscientie onerantur. Deinde dicit. Hac uti possunt Prouinciales, & ij, quibus ipsi eam commisserint. Nullus tamen ea utetur in ijs locis, in quibus Episcopi resident, nisi Prouincialis ipse in casu aliquo particulari ea utendum iudicaret. Et animaduertatur ea conditione nobis concedi huius facultatis usum, dummodo nostri, nihil vnquam eius modi bonorum, in proprium, aut Societatis usum, conuertere possint. Ex Compendio Indico Societatis.

¶ Gregorius. 14. Romę apud Sanctum Marcum sub anulo Piscatoris die 21. Septembris anni Domini. 1591. hanc eandem gratiam confirmauit & de nouo concessit ad viginti annos à data presentium computandos. Hac concessione gaudent etiam alij Mendicantes, & est utilis pro exonerandis Indorū